



31. marts 2011

Inatsisartut suleriaasianni § 37 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqut:

- 1. Nunaqarfippassuarni Illoqarfinnilu puisit amiinik tunisaqarsinnaajunnaarneq Naalackersuisunik allanngortinniarneqarpaa?**
- 2. Tassami nunaqarfippassuarni illoqarfinnilu aalisartut piniartullu puisit amiinik tunisaqarsinnaajunnaarnertik inuuniarnermikkut ilungersunartorsiutigimmassuk tuniseqqissinnaalernissaat ammaanniarneqarpaa?**

(Inatsisartunut ilaasortaq Hans Enoksen Siumut)

Tunngavilersuut:

Nunaqarfippassuarni avannaani Niaqornat, Qaarsut, Ikerasak, Saattut, Illorsuit, Ukkusissat, Nuugaatsiaq, Saqqaq, Qeqertaq, ilimanaq, qeqqanilu inissisimasuni, Sarfannguit, Itilleq, Kangerlussuaq, Qeqertarsuatsiaani, Kapisilinnilu, kiisalu illoqarfinni Upernavimmi, Ummannami. Ilulisani, Qasigiannguani, Qeqertarsuarmi, Sisimiuni, Maniitsumi, Nuummilu, Ukioq manna 2011-ip aallartinnerani qulaani taaneqartuni piniartut puisit ameersinnaajunnaarsinneqarput, taamatullu aalajangiineq piniartunut ilaqutariinnullu ilungersunarluinnartumik kinguneqarpoq.

Taama aalajangiisoqarneratigut nunaqarfinni Illoqarfinnilu piniartut assut eqqornerlunneqarput.

Ilaqutariit imminnut pilersornerat assut innarlerneqarpoq, allaat oqartoqarsinnaalluni inuussutisarsariutaannik paaaffigineqarlutik, tamannalu ilaqutariinnik piniartunillu pisinnaatitaaffianeruvoq ilungersunarluinnartoq akuersarneqarsinnaanngilluinnartorlu.

Naalackersuisut pissutsinik ilungersunartunik inuuniarnikkullu atukkanik ilaqutariillu imminnut pilersornissaannik soqutigisaqanngivinnerannik ersiutaalluni. Tassami tunngavilersuinissinni oqaatigaarsi inuuniarnikkut sunniuteqarnaviannngitsoq, sumiiffinni taakkunani taaneqartuni puisit amiinik tuniniaasinnaanerat mattunneqarpat.

Naalackersuisunut nutaamik eqqarsaqqullugit inassutigaaara sumiiffinni taaneqartuni puisit amiinik tunisaqarsinnaaneq aammaatissagaat. Imminnut pilersornissaq ilaqutanillu pilersuisussaa-titaaneq inuianni tamani pisinnaatitaaffiuvoq aamma Kalaallit nunaanni, Naalackersuisullu pisinnaatitaaffianertik tamaanga killittariaqarpat!